

Қазақстан Республикасының Денсаулық сақтау
министрлігі

Қазақстан Республикасы
Денсаулық сақтау министрінің
2025 жылғы 3 қарашадағы № 134
бұйрығы. Қазақстан
Республикасының Әділет
министрлігінде 2025 жылғы 6
қарашада № 37362 болып тіркелді

Министерство здравоохранения Республики
Казахстан

**«Денсаулық сақтау саласындағы мамандарды кәсіптік құзыреттілігіне
аттестаттауды жүргізу қағидаларын бекіту туралы» Қазақстан
Республикасы Денсаулық сақтау министрінің м.а. 2020 жылғы 14 қазандағы
№ ҚР ДСМ-130/2020 бұйрығына өзгерістер мен толықтыру енгізу туралы**

БҰЙЫРАМЫН:

1. «Денсаулық сақтау саласындағы мамандарды кәсіптік құзыреттілігіне
аттестаттауды жүргізу қағидаларын бекіту туралы» Қазақстан Республикасы
Денсаулық сақтау министрінің м.а. 2020 жылғы 14 қазандағы № ҚР ДСМ-130
/2020 бұйрығын (Нормативтік құқықтық актілерді мемлекеттік тіркеудің
тізілімінде № 21444 болып тіркелген) мынадай өзгерістер мен толықтыру
енгізілсін:

преамбула мынадай редакцияда жазылсын;

««Халық денсаулығы және денсаулық сақтау жүйесі туралы» Қазақстан
Республикасы Кодексінің 7-бабының 38) тармақшасына сәйкес **БҰЙЫРАМЫН:**»;

көрсетілген бұйрықпен бекітілген Денсаулық сақтау саласындағы
мамандарды кәсіптік құзыреттілігіне аттестаттауды жүргізу қағидаларында:

1-тармақ мынадай редакцияда жазылсын:

«1. Осы денсаулық сақтау саласындағы мамандарды кәсіптік
құзыреттілігіне аттестаттауды жүргізу қағидалары (бұдан әрі – Қағидалар)
«Халық денсаулығы және денсаулық сақтау жүйесі туралы» Қазақстан
Республикасының Кодексінің (бұдан әрі – Кодекс) 7-бабының 38) тармақшасына



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

сәйкес әзірленді және республикалық және жергілікті деңгейлерде өткізілетін денсаулық сақтау саласындағы мамандарды кәсіптік құзыреттілігіне аттестаттауды (бұдан әрі – аттестаттау) жүргізу тәртібін айқындайды.»;

1-тарау мынадай мазмұндағы 1-1-тармағымен толықтырылсын:

«1-1. Осы Қағидаларда пайдаланылатын негізгі ұғымдар:

1) мүдделер қақтығысы – аттестаттау комиссиясы мүшесінің жеке мүдделілігі объективті шешім қабылдауға әсер етуі мүмкін жағдай;

2) бағалау жөніндегі ұйым – денсаулық сақтау саласындағы білім алушылардың, кәсіптік даярлық түлектерінің және мамандардың білімі мен дағдыларын бағалауды жүзеге асыратын уәкілетті орган аккредиттеген ұйым.»;

3-тармақ мынадай редакцияда жазылсын:

«3. Аттестаттауға мынадай адамдар жатады:

1) азаматтардың денсаулығын сақтау, медициналық және фармацевтикалық ғылым, медициналық және фармацевтикалық білім, халықтың санитариялық-эпидемиологиялық саламаттылығы, дәрілік заттар мен медициналық бұйымдардың айналысы, медициналық көрсетілетін қызметтердің сапасын бақылау саласындағы басшылықты және салааралық үйлестіруді жүзеге асыратын орталық атқарушы орган (бұдан әрі – уәкілетті орган) жүргізетін республикалық деңгейде:

уәкілетті органға ведомстволық бағынысты денсаулық сақтау ұйымдарының басшылары және олардың орынбасарлары, филиалдардың басшылары;

халықтың санитариялық-эпидемиологиялық саламаттылығы саласындағы қызметті жүзеге асыратын денсаулық сақтау ұйымдарының басшылары.

2) облыстардың, республикалық маңызы бар қалалардың және астананың жергілікті атқарушы органдары (бұдан әрі – ЖАО) жүргізетін жергілікті деңгейде:

облыстардың, республикалық маңызы бар қалалардың және астананың денсаулық сақтауды мемлекеттік басқарудың жергілікті органдарының басшылары және олардың орынбасарлары;

облыстардың, республикалық маңызы бар қалалардың және астананың денсаулық сақтауды мемлекеттік басқарудың жергілікті органдары (бұдан әрі – денсаулық сақтау басқармалары) жүргізетін жергілікті деңгейде: оларға ведомстволық бағынысты денсаулық сақтау ұйымдарының басшылары және олардың орынбасарлары.»;

5 және 6-тармақтар мынадай редакцияда жазылсын:

«5. Аттестаттауды республикалық деңгейде жүргізуді ұйымдастыру уәкілетті органның құрылымдық бөлімшесінің жауапты тұлғасына (бұдан әрі – жұмыс органының жауапты тұлғасы), жергілікті деңгейде – ЖАО-нда аттестаттауды жүргізуді ұйымдастыру үшін жауапты тұлғасына (бұдан әрі – ЖАО-ның жауапты тұлғасы) және Денсаулық сақтау басқармасында аттестаттауды жүргізуді ұйымдастыру үшін жауапты тұлғасына (бұдан әрі – Денсаулық сақтау басқармасының жауапты тұлғасы) жүктеледі.

6. Жұмыс органының, ЖАО-ның және Денсаулық сақтау басқармасының жауапты тұлғалары аттестатталатын адамдардың тізімін қалыптастыру үшін аттестаттауға жататын адамдар туралы деректерді, оның ішінде осы Қағидаларға 1-қосымшаға сәйкес нысан бойынша адамдардың қызметтік тізімдерін жинақтайды»;

8, 9 және 10-тармақтар мынадай редакцияда жазылсын:

«8. Аттестаттау комиссиясы республикалық және жергілікті деңгейлерде қалыптастырылады.

Республикалық аттестаттау комиссиясының құрамына уәкілетті органның, денсаулық сақтау ұйымдарының, медициналық білім беру ұйымдарының өкілдері енгізіледі, сондай-ақ келісім бойынша үкіметтік емес ұйымдардың, қоғамдық бірлестіктердің, кәсіподақтардың өкілдері енгізіледі.

Жергілікті аттестаттау комиссиясының құрамына денсаулық сақтау басқармаларының басшыларын және олардың орынбасарларын аттестаттауды өткізу үшін ЖАО-ның, уәкілетті органның және оның ведомстволарының, медициналық білім беру ұйымдарының, уәкілетті органға бағынысты денсаулық сақтау ұйымдары филиалдарының өкілдері енгізіледі, сондай-ақ келісім бойынша үкіметтік емес ұйымдардың, қоғамдық бірлестіктердің, кәсіподақтардың өкілдері енгізіледі.

Жергілікті аттестаттау комиссиясының құрамына денсаулық сақтау басқармаларына ведомстволық бағынысты денсаулық сақтау ұйымдарының басшыларын және олардың орынбасарларын аттестаттауды өткізу үшін денсаулық сақтау басқармаларының, медициналық білім беру ұйымдардың өкілдері, сондай-ақ келісім бойынша үкіметтік емес ұйымдардың, қоғамдық бірлестіктердің, кәсіподақтардың өкілдері енгізіледі.

Аттестаттау комиссиясының құрамына үкіметтік емес ұйымдардың, қоғамдық бірлестіктердің, кәсіподақтардың өкілдерін енгізуді келісу жұмыс органының, ЖАО-ның және Денсаулық сақтау басқармасының жауапты тұлғалары аталған ұйымдарға ресми сұрау салуды жіберу арқылы жүзеге асырылады.

Аттестаттау комиссиясының құрамына үкіметтік емес ұйымдардың, қоғамдық бірлестіктердің, кәсіподақтардың өкілдерінен басшылар және олардың орынбасарлары лауазымдарын атқаратын тұлғалар енгізіледі.

Аттестаттау комиссиясының құрамына мүдделер қақтығысы бар адамдар енгізілмейді.

Мына жағдайлар мүдделер қақтығысы болып саналады:

1) аттестаттау комиссия мүшесі аттестатталатын адаммен неке (ерлі-зайыптылық) қатынаста болса;

2) аттестаттау комиссия мүшесі аттестатталатын адаммен жақын туыстық байланыстарында болса.

Аттестаттау комиссиясы мүшесінде аттестатталатын адаммен мүдделер қақтығысы туындаған жағдайда, жұмыс органының, ЖАО-ның және Денсаулық сақтау басқармасының жауапты тұлғалары анықталған кезден бастап 3 жұмыс күні ішінде тиісті мемлекеттік орган басшысының бұйрығына өзгерістер енгізу жолымен мүдделер қақтығысы туындаған аттестаттау комиссиясының мүшесін шығарады.

Аттестаттау комиссиялары мүшелерінің саны кемінде бес адамды құрайды. Аттестаттау комиссиясы мүшелерінің арасынан төраға тағайындалады.

9. Жұмыс органының, ЖАО-ның және Денсаулық сақтау басқарманың жауапты тұлғалары аттестаттау басталғанға дейін 30 (отыз) күнтізбелік күннен кешіктірмей аттестаттау жүргізу мерзімдері, оның ішінде аттестатталатын

адамдар мен аттестаттау жүргізу кестелері туралы хабарламаны тиісті кадр қызметтеріне жібереді.

10. Аттестаттауды республикалық деңгейде өткізу үшін жұмыс органының жауапты тұлғасы уәкілетті органға ведомстволық бағынысты денсаулық сақтау ұйымдарының кадр қызметтері ұсынған деректер бойынша аттестатталатын адамдардың тізімін қалыптастырады.

Жергілікті деңгейде ЖАО-ның жауапты тұлғасы Денсаулық сақтау басқармаларының кадр қызметтері ұсынған деректер бойынша аттестатталатын адамдардың тізімін қалыптастырады.

Денсаулық сақтау басқармасының жауапты тұлғасы Денсаулық сақтау басқармаларына ведомстволық бағынысты денсаулық сақтау ұйымдарының кадр қызметтері ұсынған деректер бойынша аттестатталатын адамдардың тізімін қалыптастырады.

Тестілеу басталғанға дейін 5 (бес) жұмыс күні бұрын жұмыс органының, ЖАО-ның және Денсаулық сақтау басқармасының жауапты тұлғалары бағалау жөніндегі ұйымға аттестатталатын адамдардың жалпы тізімін жібереді.»;

46-тармақтың үшінші бөлігі мынадай редакцияда жазылсын:

«Аттестаттау кезінде теріс нәтиже алу Қазақстан Республикасы Еңбек кодексінің 52-бабының 1-тармағы 4) тармақшасына сәйкес аттестатталатын адаммен еңбек қатынастарын бұзу үшін негіз болып табылады.»;

51-тармақ мынадай редакцияда жазылсын:

«51. Өңгімелесу өткеннен кейін шығарылған аттестаттау комиссиясының шешімімен келіспеген жағдайда мұндай шешімге Қазақстан Республикасының Әкімшілік рәсімдік-процестік кодексі 91-бабының тәртібімен шағымданады.».

2. Қазақстан Республикасы Денсаулық сақтау министрлігінің Медициналық және фармацевтикалық бақылау комитеті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты ресми жарияланғаннан кейін Қазақстан Республикасы Денсаулық сақтау министрлігінің интернет-ресурсына орналастыруды;

3) осы бұйрықты Қазақстан Республикасы Әділет министрлігінде мемлекеттік тіркелгеннен кейін он жұмыс күні ішінде Қазақстан Республикасы Денсаулық сақтау министрлігінің Заң департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Денсаулық сақтау вице-министріне жүктелсін.

4. Осы бұйрық 2026 жылғы 19 қаңтардан бастап күшіне енетін осы бұйрықтың 1-тармағының жетінші, сегізінші, тоғызыншы, оныншы, он бірінші, он екінші, он үшінші, он төртінші, он бесінші, он алтыншы, он жетінші, он сегізінші, он тоғызыншы, жиыrmасыншы, жиырма бірінші, жиырма екінші, жиырма үшінші, жиырма төртінші, жиырма бесінші, жиырма алтыншы, жиырма жетінші, жиырма сегізінші, жиырма тоғызыншы, отызыншы, отыз бірінші, отыз екінші, отыз үшінші, отыз төртінші, отыз бесінші, отыз алтыншы, отыз жетінші, отыз сегізінші, отыз тоғызыншы абзацтарын қоспағанда, алғашқы ресми жарияланған күнінен кейін күнтізбелік он күн өткен соң қолданысқа енгізіледі.

**Қазақстан Республикасының
Денсаулық сақтау министрі**

А. Альназарова